



partii naleraq

Nuuk, 19. november 2015

Inatsisartut suleriaasianni § 37 naapertorlugu apeqquteqaat imaattoq naalakkersuisunut ingerlatippara.

(Inatsisartunut ilaasortaq Per Rosing-Petersen, Partii Naleraq)

Naalakkersuisunut apeqqut:

1. Sooq kalaallisut oqalussinnaanani allassinnaangitsumik Danmarkimilu najugalimmik Mittarfeqarfiit attaveqatigiinnermi pisortaqassava?
2. Sooq Danmarkimi najugalimmik Mittarfeqarfiit pisiniarnermut pisortaqarnissaa pisariaqarsorineqarpa?
3. Sooq Danmarkimi najugalimmik Mittarfeqarfiit niuernermi ikiorteqarnissaa pisariaqarsorineqarpa?
4. Sooq Danmarkimi najugalimmik Mittarfeqarfiit pisiniarnermut assistenteqarnissaa pisariaqarsorineqarpa?
5. Sooq Danmarkimi najugalimmik Mittarfeqarfiit aaqqissuusaanermik siunnersorteqarnissaa pisariaqarsorineqarpa?
6. Tamarmik Kalaallit nunaanni suliffimminni oqarasuaateqarput, taavalu sianerfigigaanni IP telefoni aqqutigalugu Danmarkimut ingerlateqqinneqartarlutik. Naalakkersuisut tunngaviusumik isummernerinerpaat sulisunik inissiterinerup taamaattup mittarfeqarfinnut nunatsinnullumi iluaqutaassasoq?
7. Namminersorlutik Oqartussat suliffeqarfiutaanni imminnut aquttuni atorfinitsitisarnermut tunngatillugu maleruagassat allaaneruppat?

Tunngavilersuut:

Naalakkersuisuni suleqatigiit Partiivisa Atassutip Siumullu inatsisartuni ilaasortaataaaniit aaliangigassatut siunnersuutigineqartoq, nunaqavissut annertunerusumik atorneqarnissaat kiisalu tikisitat avataaneersut ikilisarneqarnissaat siunertaralugu siunnersuut oqaluusereqqammerparput. Oqaluuserisap tunngavia Partii Naleqqap siunnerfianut naapertuulluinnarpoq, taamaalillunimi paasisimasat misilittakkallu maani nunamiiginnarnissaat isumannaarneqassammata.

Namminersorlutik Oqartussat suliffeqarfiutaanni imminnut aquttuni Mittarfeqarfinni siornatigut pisariaqarsorineqanngitsumik iliuuserineqartanngitsumillu Danmarkimiiginnartunik atorfinitsitisoqartarpoq.

Suliat taakku nunami maani naammassineqarsinnaasariaqaralarput.

Mittarfeqarfinni qaffasinnerusumik atorfinitsitisoqassagaangat, nunatsinni neqerooratik qallunaat sulisussarsiornermi suliffeqarfiutaat atorneqartarput.

Partii Naleqaamiit Naalakkersuisunut apeqquiteqaataavoq, taamaamallu kissaatigaara apeqquq ullumimiit ullut suliffiit qulit qaangiutsinnagit akineqassasoq.